

## 2009-2010 სასწავლო წლის გაზაფხულის სემესტრი

### სადოქტორო პროგრამა

1. სადოქტორო პროგრამის სახელწოდება - ეკონომიკა
2. მისანიჭებელი აკადემიური ხარისხი - ეკონომიკის დოქტორი (PhD in Economics)
3. სადოქტორო პროგრამის ხელმძღვანელი – რევაზ გველესიანი, ივანე ჯავახიშვილის სახელობის თბილისის სახელმწიფო უნივერსიტეტის ეკონომიკისა და ბიზნესის ფაკულტეტის ეკონომიკური პოლიტიკის კათედრის ხელმძღვანელი, სრული პროფესორი, ეკონომიკის დოქტორი.
4. სადოქტორო პროგრამის საკვალიფიკაციო დახასიათება:

**პროგრამის მიზანი:** ეკონომიკის მიმართულებაში სინთეზირდება ეკონომიკური და პოლიტიკური ცოდნა, რომელიც აუცილებელია სახელმწიფოს, მისი ეკონომიკისა და ბიზნეს-სტრუქტურების განვითარების ეფექტიანი სტრატეგიების შესამუშავებლად. აღნიშნული მიმართულება უზრუნველყოფს ეკონომიკური, პოლიტიკური და ფინანსური პროცესების სტრატეგიული გაძღოლის პრაქტიკული უნარ-ჩვევების შეძენას, მაღალკვალიფიციური კადრების მომზადებას, რომლებმაც უნდა შეძლონ არა მარტო საზოგადოებაში მიმდინარე ეკონომიკური პროცესების სისტემური ანალიზი, არამედ მოახდინონ სახელმწიფოს სტრატეგიული ინტერესების პრაქტიკაში რეალიზება. ასეთ სპეციალისტებზე დიდი მოთხოვნაა სახელმწიფო სტრუქტურებში, საერთაშორისო ეკონომიკურ ორგანიზაციებში, მსხვილ კორპორაციებსა და კონსალტინგურ ცენტრებში.

#### **პროგრამის შედეგი:**

დარგობრივი კვალიფიკაცია – სადოქტორო პროგრამის დასრულების შემდეგ კურსდამთავრებულს მიენიჭება დარგობრივი კვალიფიკაცია - ეკონომიკის დოქტორის ხარისხი (PhD in Economics).

დოქტორები მომავალი ლიდერები და უმაღლესი კლასის პროფესიონალები არიან, რომელთაც შესწევთ უნარი შემოქმედებითად განავითარონ მიღებული ცოდნა, კრიტიკულად გაანალიზონ ეკონომიკური მოვლენები და პროცესები და მოახდინონ

მათი ინტერპრეტირება პუბლიკაციების, სწავლებისა და პრაქტიკაში დანერგვის გზით.

ცოდნა – ეკონომიკის დოქტორს მოეთხოვება ფუნდამენტური სამეცნიერო, პედაგოგიური და პრაქტიკული მომზადება საბაზრო ეკონომიკური წესრიგის შესაბამისად. ეკონომიკის მიმართულების დაუფლება იძლევა მრავალ ცხოვრებისეულ სიტუაციაში მისი რეკომენდაციების გამოყენებისა და წარმატებული ეკონომიკური ქმედების შესაძლებლობას; კერძოდ, ეკონომიკის დოქტორმა უნდა შეძლოს ინდივიდუალური და კოლექტიური გადაწყვეტილებების მიღება ეკონომიკური მოვლენებისა და პროცესების: ლოგიკური ანალიზის, ემპირიული გამოკვლევისა და ნორმატიული დასაბუთების საფუძველზე.

### **სწავლის შედეგები:**

#### **1. ცოდნა და გაცნობიერება :**

ეკონომიკის დოქტორს აქვს სისტემური და სიღრმისეული ცოდნა თავის მიერ არჩეული კვლევის თემის ფარგლებში და სისტემური ცოდნა ეკონომიკის და სოციალური მეცნიერებების მომიჯნავე სფეროებში, რის საფუძველზეც მას შეუძლია სრულფასოვნად ჩაერთოს დარგის ფარგლებში მიმდინარე სამეცნიერო დისკუსიებში და აწარმოოს თეორიული ან გამოყენებითი კვლევა, რომელიც თვისებრივად გაამდიდრებს არსებულ ცოდნას ამ სფეროში. აქვს კვლევის რელევანტური მეთოდოლოგიის და მეთოდიკის სრულყოფილი ცოდნა კვლევითი პროექტების დამოუკიდებლად წარმართვის ან ხელმძღვანელობისთვის.

#### **2. ცოდნის პრაქტიკაში გამოყენება (პრაქტიკული უნარები):**

-შეუძლია წარმოადგინოს ეკონომიკური პრობლემის ღრმა და მრავალმხრივი ანალიზი, და შეიმუშაოს ეფექტური რეკომენდაციები დასმული ეკონომიკური პრობლემის გადაჭრის ყველაზე ოპტიმალური გზების თაობაზე. შეუძლია დასახოს კომპლექსური ღონისძიებები პრობლემის გადასაჭრელად. პროფესიულ დონეზე ფლობს ეკონომიკური მეცნიერების კვლევის ყველა ძირითად მეთოდს, ასევე, შეუძლია შეიმუშაოს ახლებური კვლევითი და ანალიტიკური მიდგომები, რომლებიც მიმართულია ახალი ცოდნის შექმნაზე.

### 3. ზოგადი უნარები:

- კოგნიტური და მეთოდოლოგიური უნარები;

შეუძლია არსებული პრობლემების ახლებური ახსნის ძიება, რთული პრობლემების დამოუკიდებლად და სწორად გადაჭრა, მათ შორის – კვლევითი პროექტის ხელმძღვანელობის პროცესში. აქვს უნარი, მიიღოს სწორი და ეფექტური გადაწყვეტილება და საჭიროების შემთხვევაში გამოიყენოს დამატებითი რესურსები; აქვს უნარი, ოპტიმალურად გადაანაწილოს არა მხოლოდ თავისი, ასევე დიდი კვლევითი ჯგუფის / კოლექტივის დრო, გაანაწილოს ფუნქციები, უხელმძღვანელოს ჯგუფის მუშაობას და დასახოს კვლევითი ჯგუფის ყველა წევრის კონკრეტული ამოცანები და პრიორიტეტები.

- საკომუნიკაციო უნარი: შეუძლია მაღალკვალიფიციური მონაწილეობის მიღება ზოგადი და სპეციალური ხასიათის ეკონომიკური საკითხებისადმი მიძღვნილ დისკუსიაში; შეუძლია მონაცემთა ბაზებთან მუშაობა, სამეცნიერო სტატიის დაწერა. უცხო ენის ცოდნა - C1 დონე – პროფესიონალი მცოდნე (დარგობრივ სფეროში) კომუნიკაცია – შეუძლია რთული, ვრცელი ტექსტების გაგება და მათში არაპირდაპირ გადმოცემული ინფორმაციის ამოცნობა. შეუძლია დაუბრკოლებლად საუბარი ისე, რომ საჭირო სიტყვებისა და ფრაზების მოძიებას დრო არ დაუთმოს. თავისუფლად იყენებს ენას სოციალურ, აკადემიურ და პროფესიულ თემებზე სასაუბროდ.

კითხვა – შეუძლია ვრცელი, კომპლექსური ტექსტების გაგება ყველა დეტალის ჩათვლით, იმის მიუხედავად, ეხება ის მის პროფესიულ თუ სხვა თემას. შესაძლოა დასჭირდეს განსაკუთრებით რთული ადგილების გადაკითხვა.

წერა – შეუძლია მკაფიოდ სტრუქტურირებული ტექსტის დაწერა კომპლექსურ თემებზე თხზულების, წერილის ან ანგარიშის ფორმატში; მთავარი საკითხების გამოყოფა და შესაბამისი სტილის შერჩევა.

- საინფორმაციო ტექნოლოგიების გამოყენების უნარები: აქვს ახალი ინსტრუმენტების მოძიების, შექმნის და გამოყენების უნარი.

- სოციალური უნარები: განვითარებული აქვს ჯგუფში მუშაობის და ჯგუფთან მუშაობის ხელმძღვანელობის უნარი; შეუძლია ჯგუფის წევრების შესაძლებლობების ადეკვატური შეფასება და გამოყენება.

- სისტემური უნარები: შეუძლია თავად დაგეგმოს და თავისი უშუალო ხელმძღვანელობით განახორციელოს კომპლექსური კვლევითი პროექტის სრული ციკლი. აქვს კვლევითი პრობლემის შემცველი გარემოს სრულფასოვანი იდენტიფიცირების უნარი. დამოუკიდებლად შეუძლია სრულფასოვანი და მასშტაბური კვლევითი პროექტის შემუშავება, რომელიც პასუხობს მაღალ აკადემიურ სტანდარტებს და კონკურენტუნარიანია სამეცნიერო ფონდების კვლევის დაფინანსების მოპოვების თვალსაზრისით. შეუძლია აგრეთვე დიდი კვლევითი პროექტების მართვა.

#### **4. კურსდამთავრებულთა დასაქმების სფეროები:**

სახელმწიფო და ბიზნეს-სტრუქტურები;

მსხვილი კორპორაციები და კონსალტინგური ცენტრები ;

საერთაშორისო ეკონომიკური ორგანიზაციები;

უმაღლესი სასწავლო და კვლევითი დაწესებულებები;

#### **5. სასწავლო პროგრამაზე ჩარიცხვის წინაპირობები:**

სადოქტორო პროგრამაზე ჩარიცხვის მსურველი უნდა აკმაყოფილებდეს საერთო საუნივერსიტეტო წინაპირობებს, აგრეთვე, ივანე ჯავახიშვილის სახელობის თბილისის სახელმწიფო უნივერსიტეტის ეკონომიკისა და ბიზნესის ფაკულტეტის დოქტორანტურისა და სადისერტაციო საბჭოს დებულების მოთხოვნებს (თსუ აკადემიური საბჭოს 2009 წლის 4 მაისის დადგენილება 215). მას უნდა გააჩნდეს მაგისტრის აკადემიური ხარისხი ან მასთან გათანაბრებული ერთსაფეხურიანი სწავლების დიპლომი. პროგრამაზე ჩაბარების უფლება აქვთ როგორც მიმდინარე, ისე გასული წლების მაგისტრატურისა და ერთსაფეხურიანი სწავლების კურსდამთავრებულებს. სადოქტორო პროგრამაზე ჩაბარების მსურველი სასურველია ფლობდეს კომპიუტერზე მუშაობის უნარ-ჩვევებს, ასევე აუცილებელია უცხო ენის (ინგლისურის, გერმანულის, ფრანგულის) ცოდნა B2 დონეზე. დოქტორანტობის

კანდიდატი გადის გასაუბრებას ეკონომიკისა და ბიზნესის ფაკულტეტის სადისერტაციო საბჭოს მიერ დადგენილი კომისიის წინაშე.

#### 6. სასწავლო კომპონენტი.

წარმოდგენილი სადოქტორო პროგრამით ეკონომიკის დოქტორის მომზადების ნორმატიული ვადა 3 წელია .

#### 6. სასწავლო კომპონენტი

დოქტორანტმა სწავლის და კვლევის პროცესში უნდა დააგროვოს არანაკლებ 180 კრედიტი. დოქტორიანტურაში სასწავლო კომპონენტი შეადგენს 60 კრედიტს, დანარჩენი 120 კრედიტი ეთმობა კვლევას.

პროგრამის სტრუქტურა: სტატუსი კრედიტ. რა–ბა

დასახელება

სწავლების თანამედროვე სავალდებულო 5 კრედიტი

მეთოდები

პროფესორის სავალდებულო 15 კრედიტი

ასისტენტობა

კვლევის მეთოდები სავალდებულო 5 კრედიტი

დოქტორანტის I სავალდებულო 5 კრედიტი

კოლოკვიუმი

დოქტორანტის II სავალდებულო 5 კრედიტი

კოლოკვიუმი

დოქტორანტის III სავალდებულო 5 კრედიტი

კოლოკვიუმი

მეცნიერების მენეჯმენტი არჩევითი 5 კრედიტი

საუნივერსიტეტო არჩევითი 10 კრედიტი

სასწავლო კურსები

უცხოეთის არჩევითი 10 კრედიტი

აკრედიტებულ უმაღლეს

საგანმანათლებლო

დაწესებულებაში

მოსმენილი სასწავლო

კურსი

აკადემიური წერა

არჩევითი

5 კრედიტი